

Azmil Mustafa tetamu Forum Maal Hijrah 17 Februari um 15/2/05 27:5

SINTOK 14 Feb. – Pelakon filem *Ali Setan*, Mohd. Azmil Mustafa antara tetamu Forum Maal Hijrah yang akan diadakan di Universiti Utara Malaysia (UUM) pada 17 Februari ini.

Azmil, bapa kepada tiga anak itu akan mengupas tajuk "Islam Hadhari Menjana Kemajuan Umamah" bersama pendakwah bebas, Mohd. Daud Che Ngah dan bekas pelajar UUM Muhammad Fitri Abdullah.

Pegawai Perhubungan Awam UUM, Suraya Deraman memberitahu, selain dari forum, sambutan Maal Hijrah anjuran Pusat Islam UUM itu diserikan dengan persembahan nasyid oleh Kumpulan Utama. Pada hari yang sama juga, katanya, program memasak bubur asyura perdana turut diadakan di Masjid Sultan Badlishah yang melibatkan staf UUM selain majlis tahlil, ceramah, diskusi, syarahan dan kuiz.